

ԱՐՁԱՆԱԳՐՈՒԹՅՈՒՆ N-10

ԵՊՀ ԻՄ ՏՆՏԵՍԱԳԻՏՈՒԹՅԱՆ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏԻ

06. 07. 2019թ.

ք. Իջևան

Նախագահ՝
Քարտուղար՝

Գ. Ավետիսյան
Ա. Ալեքսանյան

Խորհրդի նիստին մասնակցում էին 16 անդամից 13-ը:
Բաց քվեարկությամբ ընդունվեց նիստի օրակարգը:

Օրակարգ

1. Ֆակուլտետի մասնագիտական ամբիոնների անհատական բեռնվածության քննարկում և հաստատում: / Ձեկ. Գ. Ավետիսյան/
2. Դեկանի տարեկան հաշվետվություն: / Ձեկ. Գ. Ավետիսյան/

1. Լսեցին.- Ֆակուլտետի մասնագիտական ամբիոնների անհատական բեռնվածության քննարկման և հաստատման մասին: / Ձեկ. Գ. Ավետիսյան/

Լսեցին – Գ. Ավետիսյանին

Նա նշեց, որ ըստ 2019-2020 ուս. տարվա աշխատանքային ուսումնական պլանով նախատեսված բոլոր դասընթացները երկու մասնագիտական ամբիոնների կողմից բաշխված են, բաշխվել են նաև ավարտական և կուրսային աշխատանքները, ինչպես նաև արտադրական և ուսումնական պրակտիկաները: Պրոֆեսորադասախոսական անձնակազմի յուրաքանչյուր անդամ տեղեկացվել է 2019-20 ուս տարվա իր անհատական բեռնվածությունը:

Արտահայտվեցին - Մ. Միքայելյանը, Գ. Հովհաննիսյանը

Նրանք նշեցին, որ ֆակուլտետում գործող երկու ամբիոնների դասախոսներին տրամադրվել են իրենց անհատական բեռնվածությունը և մինչև օգոստոսի 25-ը պետք է

ամբիոններ ներկայացնեն անհատական բեռնվածությանը համապատասխան աշնանային կիսամյակում դասավանդվող դասընթացների փաթեթները:

Որոշեցին -հաստատել ներկայացված 2019-2020 ուս. տարվա ընդհանուր տնտեսագիտության և տուրիզմի կառավարման և մշակութաբանության ամբիոնների անհատական բեռնվածությունները:

3. Լսեցին.- Դեկանի տարեկան հաշվետվությունը/Զեկ. Գ. Ավետիսյան/:

Լսեցին.- Գ. Ավետիսյանին

Գ. Ավետիսյանը ներկայացրեց 2018-2019 ուս. տարվա հաշվետվությունը, նշելով, որ ԵՊՀ ԻՄ-ի տնտեսագիտության ֆակուլտետը իր գործունեությունը իրականացրել է հիմք ընդունելով ԵՊՀԻՄ ռազմավարությունը, կանոնադրությունը և տնտեսագիտության ֆակուլտետի 2018-19 ուս.տարվա աշխատանքային պլանը: Ֆակուլտետում գործում է երկու մասնագիտական ամբիոն՝ ընդհանուր տնտեսագիտության, տուրիզմի կառավարման և մշակութաբանության, որտեղ դասախոսների թիվը 36 –ն է, որից 4-ը պրոֆեսոր, 4-ը դոցենտ, 17-ը ասիստենտ և 11դասախոս:

Ընդհանուր տնտեսագիտության ամբիոնի երկու դասախոս ԵՊՀ-ի հայցորդներ են: Նրանցից մեկը վերջացրել է բոլոր մինիմումները և աշնանը պատրաստվում է ատենախոսության պաշտպանության, մյուսը հանձնել է 2 մինիմում:

Տնտեսագիտության ֆակուլտետը սերտ համագործակցում է մասնաճյուղի բոլոր ստորաբաժանումների հետ: Դասավանդման առաջավոր փորձի փոխանցման և երիտասարդ դասախոսների աջակցման կենտրոնի հետ համագործակցության արդյունքում 2018-19 ուս. տարվա ընթացքում կազմակերպված դասախոսները մասնակցել են վերապատրաստման դասընթացներին:

Տնտեսագիտության ֆակուլտետի դասախոսները մասնակցել են նաև IAB Բիզնեսի Միջազգային Ակադեմիայի և «Կոկա-Կոլա Հելլենիկ Արմենիա» ընկերության կողմից կազմակերպված դասընթացավարների վերապատրաստման «Բիզնես հմտություններ» դասընթացին /12.12.2018թ/, որտեղ և ստացել հիշյալ դասընթացը վարելու վկայականներ, ինչպես նաև մասնակցել են ՈԱԱԿ կողմից կազմակերպված համաժողով՝ Որակավորումների արժանահավատ շնորհում /14.06.2019/ աշխատաժողովին: Վերապատրաստված

դասընթացավարները Տավուշի մարզի երիտասարդների համար իրականացրել են «Բիզնես հմտություններ» դասընթացը, որին մասնակցել են 35 երիտասարդ:

Ընդհանուր տնտեսագիտության ամբիոնի կողմից իրականացվել է «Հաշվետար» մեկամսյա անվճար դասընթացը, որի արդյունքում վկայագրեր են ստացել մասնակիցները 5-ը: Տուրիզմի կառավարման և մշակութաբանության ամբիոնի կողմից իրականացվել է «Ինչպե՞ս գրել ավարտական աշխատանք» դասընթացը:

Ֆակուլտետը սերտ համագործակցում է ԿԲ Դիլիջանի ուսումնահետազոտական կենտրոնի և «ԳԺԷԼ» պետական համալսարանի հետ: Հաշվետու տարում տեղի է ունեցել չորս հանդիպում ընդհանուր տնտեսագիտության ամբիոնի, մաթեմատիկայի ամբիոնի և ԿԲ Դիլիջանի ուսումնահետազոտական կենտրոնի աշխատակիցների միջև: Հանդիպումների ժամանակ համագործակցության ծրագրերի քննարկումներ է իրականացվել, մասնավորապես.

-ԿԲ Դիլիջանի ուսումնահետազոտական կենտրոնի աշխատակիցներ դասավանդման հնարավորությունները ֆակուլտետում(դասավանդում են 5 աշխատակից),

- Ֆինանսներ կրթական ծրագրի /2019-2023թթ/վերանայման(առկա է նոր ուսումնական պլանը), ինչպես նաև Ֆինանսներ կրթական ծրագրում/2019-2023թթ/ դասընթացների վերանայման, բեչմարկինգի գործընթացներ (վերանայվել է բոլոր դասընթացները),

-ԿԲ Դիլիջանի ուսումնահետազոտական կենտրոնում ֆակուլտետի ուսանողների մասնգիտական պրակտիկայի իրականացման հնարավորությունները(3 ուսանող),

-պարբերաբար ԿԲ մասնագետների աջակցությամբ ֆակուլտետում սեմինար-քննարկումների կազմակերպում (2 սեմինար-քննարկում),

Տուրիզմի կառավարման և մշակութաբանության ամբիոնը և «ԳԺԷԼ» պետական համալսարանը համատեղ կազմակերպել է միջազգային գիտաժողով «Զբոսաշրջությունը և մշակույթը. երեկ, այսօր, վաղը» խորագրով:

Գ. Ավետիսյանը նշեց, որ ֆակուլտետի նախաձեռնությամբ կնքվել է համագործակցության հուշագիր ԵՊՀԻՄ-ի և «Իջևանի ՀՀԳ» ՍՊԸ միջև: Որտեղ լրացուցիչ պրակտիկա են իրականացրել չորրորդ կուրսի 3 ուսանող և շարունակում են անցնել պրակտիկա բակալավրիատը ավարտելուց հետո: Այսինքն ֆակուլտետը փորձում է աջակցել շրջանավարտին աշխատանք գտնելու հարցում:

Գ. Ավետիսյանը ներկայացրեց Ֆակուլտետում տեղի սեմինար քննարկումներ.

- «Կենտրոնական բանկի խնդիրները տնտեսական զարգացման համատեքստում» թեմայով, որը ներկայացրեց ՀՀ ԿԲ-ի նախագահի տեղակալ Ներսես Երիցյանը
- «ՀՀ դրամավարկային քաղաքականությունը» թեմայով, որը ներկայացրեց ՀՀ ԿԲ դրամավարկային քաղաքականության վարչության պետ Վահագն Գրիգորյանը:
- «Մաթեմատիկական մեթոդները տնտեսագիտության մեջ», «Գնագոյացում և գնային քաղաքականություն» թեմայով, որ ներկայացրեցին Ռուսաստանի Դաշնության Գ. Վ. Պլեխանովի անվան տնտեսագիտական համալսարանի դասախոսներ տ.գ.դ., պրոֆեսոր Ն. Վ. Գրիգունովան և տ.գ.դ., պրոֆեսոր Ի. Ա. Կիսելյովան:

Գ. Ավետիսյանը արժևորելով պրակտիկայի դերը, նա նշեց, որ ֆակուլտետում իրականացվել է մի շարք ճանաչողական պրակտիկաներ, որն ավելի է ամրապնդել ուսանողի տեսական գիտելիքները: Նա մասնավորապես նշեց «Զբոսաշրջություն» մասնագիտության համար կազմակերպվել է Իջևանի, Դիլիջանի, Գյումրու, Էջմիածնի և Երևանի զբոսաշրջային տարբեր դեստինացիաներ, իսկ «Տնտեսագիտություն» մասնագիտության ուսանողների համար ճանաչողական այց “NASDAQ OMX Armenia” ՀՀ ֆոնդային բորսա և «Բեկոն» ընկերություն:

Ֆակուլտետը մասնագիտության կողմնորոշման բաժնի հետ համատեղ կազմակերպել է դիմորդների շրջայց, դասապրոցեսների մասնակցություն ֆակուլտետ է այցելել մոտ 20 դիմորդ և աշակերտ: Նշված բաժնի հետ ֆակուլտետից ներկայացուցիչները այցելել են մարզի դպրոցներ: Ամբիոնի դասախոսներից Պ. Ասիլբեկյանը հանդես է եկել ակնարկային դասախոսությամբ Տավուշի մարզի Սարիգյուղ, Խաչթառակ համայնքների հիմնական դպրոցներում:

Ֆակուլտետում արդյունավետ գործում է կրթական ծրագրի ղեկավարների ինստիտուտը: Ֆինանսներ կրթական ծրագրի ղեկավարի գործունեության և ԿԲ հետ համորձակցության արդյունքում վերանայվել է «Ֆինանսներ» կրթական ծրագիրը/2019-23թթ/ Ծրագրում ընդգրկվել են նոր դասընթացներ, որոշ դասընթացներ դուրս են եկել, վերանայվել է ծրագրի վերջնարդյունքները, դասընթացների թեմատիկան: «Զբոսաշրջություն» կրթական ծրագրում վերանայվել է ծրագրի վերջնարդյունքները, դասընթացների թեմատիկան և այլն:

Գ. Ավետիսյանը նշեց, որ 2018-19 ուստարում ֆակուլտետի աշխատանքները արդյունավետ կազմակերպելու համար սահմանված ժամկետներում իրականացվել է հետևյալ ընթացիկ գործընթացները.

-կազմվել է դասացուցակը, անհրաժեշտ ժամանակացույցերը,

-ամբիոնները ապահովել են պրակտիկաների ծրագրերի, դասընթացների փաթեթների առկայությունը, ավարտական և կուրսային աշխատանքների ցանկը և դրանց իրականացման գործընթացը,

-ամբիոնային ծանրաբեռնվածության հիման վրա ամբիոնը իրականացրել է 2019-20 ուս տարվա համար անհատական բեռնվածության նախնական բաշխում և քննարկումներ դասխոսների հետ;

Ֆակուլտետետի կառավարումը իրականացվում է տնտեսագիտության ֆակուլտետի գիտական խորհուրդը, մանդատային հանձնաժողովը, դեկանատը:

Արտահայտվեցին.- Գ. Հովհաննիսյանը, Մ. Միքայելյանը, Ա. Պոտոյանը, Պ. Ասլիբեկյանը:

Արտահայտվողները բարձր գնահատեցին դեկանի պաշտոնակատարի կատարած աշխատանքը: Նրանք նշեցին, որ ֆակուլտետում առկա խնդիրները լուծվում են կոլեկտիվի համագործակցությամբ: Նրանք հույս հայտնեցին, որ բացթողումները, որոնք տեղ էին գտել այս ուսումնական տարում, կշտկվեն, իսկ իրենք իրենց հերթին կաջակցեն անխափան աշխատանքին:

Որոշեցին. –

- 1. Հավանություն տալ տնտեսագիտության ֆակուլտետի աշխատանքային պլանով 2018-2019 ուստարում նախատեսված գործողությունների վերաբերյալ դեկանի հաշվետվությունը:***
- 2. Տնտեսագիտության ֆակուլտետի 2018-2019 ուստարվա գործունեությունը գնահատել բավարար:***

Գիտական խորհրդի նախագահ `

Քարտուղար `

Գ. Ավետիսյան

Ա. Ալեքսանյան

